



Sumáriu Atividade Mensál Advokasia Períodu Abril 2021

I. Introdusaun

Programa Monitorizasaun ba Sistema Judisiáriu (JSMP) liuhusi Unidade Advokasia no Treinamentu iha Abril 2021 halo atividade sira hanesan :

1. Partisipa enkontru virtual ho doador sira
2. Audénsia ho Komisaun A, Parlamentu Nasional
3. Publika informasaun regulár iha jornal Timor Post no Diáriu Nasionál.

Alende ne'e, iha períodu ne'e mós JSMP halo atividade adisionál balun maka hanesan fahe sasan ba vítima fetu no labarik sira iha fatin refuziadu sira, asina MoU ho jornal Independente no asina akordu serbisu hamutuk ho UNDP liuhusi projetu Inisiativa Spotlight ho finansiamentu husi União Europeia ba iha programa prevensaun violénsia bazeia ba jéneru liuhusi mídia (programa televizaun) no assisténsia legál ba vítima violénsia hasoru fetu no labarik.

II. Atividade sira

1. Partisipa iha enkontru sira liuhusi virtual

Iha fulan ida ne'e, kontinua ho aplikasaun Estadu Emerjensia, serka sanitaria no konfinamentu obrigatóriu. Nune'e iha fulan ne'e JSMP partisipa de'it enkontru liuhusi zoom ho doador sira.

2. Audénsia ho Komisaun A Parlamentu Nasional

Iha 08 Abril 2021, Komisaun A Parlamentu Nasionál konvida JSMP hodi apresenta JSMP nia hanoin relasiona ho esbosu Lei Organizasaun Judisiária. Iha audénsia ne'e, alende JSMP, marka mós prezensa Meritísimu Juis Dr. Deolindo dos Santos, Prezidente Tribunál Rekursu.

Audénsia ne'e ofisialmente lidera husi Prezidente Komisaun A, distintu deputadu Joaquim dos Santos. Prezidente Komisaun A iha nia intervensaun konsidera katak esbosu Lei Organizasaun Judisiáriu ne'e importante no urjente. Nune'e prezisa hetan kontribuisaun hanoin no idea sira husi parte judisiáriu nia hanesan Tribunál, Ministériu Públiku, Defensoria Públika inklui Ministériu Justisa no mós JSMP ne'ebé durante ne'e halo observaun ba iha serbisu tribunál nian no tau-matan ba iha sistema judisiáriu.

JSMP iha audénsia ne'e, apresenta nia hanoin katak importante atu bele dezenvolve no haree didi'ak lei ne'e atu bele refléta ho di'ak realidade no nesesidade setór judisiáriu

nian. JSMP mós hateten konteúdu husi lei ne'e tenke refleta triánglu ka ai-rin tolu ne'ebé sustenta no halo funsiona prosesu judisiál ka judisiária mak Tribunál, Ministériu Públiku no Defensoria Públika ho Advogadu Privadu. Sistema judisiária la bele funsiona bainhira entre sira ida laiha.

JSMP sujere ba Komisaun A atu bele kria fali testu substitutivu ida hodi bele halo estruturasaun no sistematizasaun ne'ebé di'ak ba lei ne'e no bele uza esbosu lei rua ne'e hodi halo kompleta liután materia sira ne'ebé sei falta.

Depoide apresentasaun, JSMP oficialmente entrega mós paraser ba iha Prezidente Komisaun A. Detallu husi paraser ne'e bele haree iha: JSMP nia website: <https://jsmp.tl/> ka bele asesu direita iha link ne'e: <https://jsmp.tl/.../Paraser-Lei-Organizasaun-Judisiariu-8>.

3. Publikasaun regulár iha jornál sira

JSMP regularmente prepara no sumariza informasaun relevante sira husi rezultadu monitorizasaun sira iha Tribunál, Parlamentu Nasionál, serbisu advokasia, no serbisu asisténsia ba vítima violénsia bazeia ba jéneru.

Tuir mai informasaun sira ne'ebé prodús no publika iha jornal Timor-Post, Diariu Nasionál, Independente no Suara Timor Lorosae (STL) iha fulan Abril nia laran.

Jornal	Data Publika	Informasaun sira ne'ebé prodús no públika iha jornal Timor Post, Diáriu Nasionál, Independente no STL
Timor Post	08 Abril 2021	<ul style="list-style-type: none"> • Aplikasaun serka sanitária no konfinamentu obrigatóriu difikulta vítima violénsia bazeia ba jéneru asesu ba serbisu asisténsia no asesu ba tribunál: JSMP husu buka solusaun imediata • Kazu la'en oho feen: Tribunál falla atu aplika prizaun preventiva iha kazu abuzu seksuál ho natureza inestu • Informasaun kona-ba JSMP nia asisténsia legál
	13 Abril 2021	<ul style="list-style-type: none"> • Prokuradór inklui pedidu indemnizasaun sivíl iha sira nia akuzasaun ba kazu violasaun seksuál JSMP konsidera progresu pozitivu no husu atu konsistente iha kazu sira seluk • Komisaun A Parlamentu Nasionál rona JSMP nia hanoin kona-ba esbosu Lei Organizasaun Judisiáriu
	21 Abril 2021	<ul style="list-style-type: none"> • JSMP husu ba deputadu sira atu evita diskusaun ne'ebé la nesesáriu no apropiadu iha debate OJE Retifikativu 2021 • Prokuradór inklui pedidu indemnizasaun sivíl iha sira nia akuzasaun ba kazu violasaun seksuál JSMP konsidera progresu pozitivu no husu atu konsistente iha kazu sira seluk

	27 Abril 2021	<ul style="list-style-type: none"> • JSMP kompleta ninia ezisténsia tinan 20: JSMP kontribui ba sistema justisa no lejislativu no Serbisu atu garantia justisa ba ema hotu.
Diariu Nasionál	07 Abril 2021	<ul style="list-style-type: none"> • Aplikasaun serka sanitária no konfinamentu obrigatóriu difikulta vítima violénsia bazeia ba jéneru asesu ba serbisu assisténsia no asesu ba tribunál: JSMP husu buka solusaun imediata • Kazu la'en oho feen: Tribunál falla atu aplika prizaun preventiva iha kazu abuzu seksuál ho natureza inestu
	14 Abril 2021	<ul style="list-style-type: none"> • Prokuradór inklui pedidu indemnizasaun sivíl iha sira nia akuzasaun ba kazu violasaun seksuál JSMP konsidera progresu pozitivu no husu atu konsistente iha kazu sira seluk • Komisaun A Parlamentu Nasionál rona JSMP nia hanoin kona-ba esbosu Lei Organizasaun Judisiáriu
	21 Abril 2021	<ul style="list-style-type: none"> • JSMP husu ba deputadu sira atu evita diskusaun ne'ebé la nesesáriu no apropriadu iha debate OJE Retifikativu 2021 • Prokuradór inklui pedidu indemnizasaun sivíl iha sira nia akuzasaun ba kazu violasaun seksuál JSMP konsidera progresu pozitivu no husu atu konsistente iha kazu sira selu
	27 Abril 2021	<ul style="list-style-type: none"> • JSMP kompleta ninia ezisténsia tinan 20: • JSMP kontribui ba sistema justisa no lejislativu no Serbisu atu garantia justisa ba ema hotu.
Independente	20 Abril 2021	<ul style="list-style-type: none"> • Prokuradór inklui pedidu indemnizasaun sivíl ihasira nia akuzasaun ba kazu violasaun seksuál JSMP konsidera progresu pozitivu no husu atu • konsistente iha kazu sira seluk
	27 Abril 2021	<ul style="list-style-type: none"> • JSMP kompleta ninia ezisténsia tinan 20: • JSMP kontribui ba sistema justisa no lejislativu no Serbisu atu garantia justisa ba ema hotu.
STL	20 Abril 2021	<ul style="list-style-type: none"> • Prokuradór inklui pedidu indemnizasaun sivíl ihasira nia akuzasaun ba kazu violasaun seksuál JSMP konsidera progresu pozitivu no husu atu konsistente iha kazu sira seluk
	27 Abril 2021	<ul style="list-style-type: none"> • JSMP kompleta ninia ezisténsia tinan 20: JSMP kontribui ba sistema justisa no lejislativu no Serbisu atu garantia justisa ba ema hotu.

Iha períodu ne'e, JSMP halo atividade adisionál sira balun hanesan fahe sasan ba vítima fetu no labarik sira iha fatin refuziadu sira, asina MoU ho jornal Independente no

asina kontratu ho Spotlight ho finansiametu husi União Europeia ba iha programa prevensaun violénsia bazeia ba jéneru liuhusi mídia (programa televizaun) no assisténsia legál ba vítima violénsia hasoru fetu no labarik. Atividade sira ne'e mak hanesan tuir mai :

1. JSMP nia kontribuisaun

- Iha 09 Abril 2021, JSMP distribui nesesidade báziku no materiál balun hodi ajuda vítima violénsia bazeia ba jéneru iha Uma Mahon mak hanesan Fokupers, Casa Vida, AHDMTL no FFJC Oratóriu Dom Bosco Balide.
- Iha 09 Abril 2021, JSMP simbolikamente entrega apoiu humanitáriu ba Vítima Dezastre Naturais ba Diresaun Nasionál Jestaun Risku Dezastre Naturál-MSSI hodi fó apoiu ba vítima sira ne'ebé sofre inundasaun. Material no sasan nesesidade báziku sira maka hanesan; Fos saku 10, *Supermie* kaixa 10, Bee Aqua dos 10 no Biti 10.

2. JSMP asina akordu ho mídia no doador

- Iha 16 Abril 2021, JSMP ho Mídia Independente konkorda hamutuk atu estabelese serbisu hamutuk iha área divulgasaun no atualizasaun informasaun legál no dezenvolvimentu sistema justisa no prosesu lezislativu iha Timor-Leste ba sosiedade iha Timor-Leste liuhusi asina nota intendementu. JSMP asina akordu serbisu hamutuk ho UNDP liuhusi projetu Inisiativa Spotlight ho finansiametu husi União Europeia
- Iha 19 Abril 2021, JSMP asina akordu serbisu hamutuk ho UNDP liuhusi projetu Inisiativa Spotlight ho finansiametu husi União Europeia ba iha programa prevensaun violénsia bazeia ba jéneru liuhusi mídia (programa televizaun) no assisténsia legál ba vítima violénsia hasoru fetu no labarik. Alende JSMP, ALFeLa mós asina akordu prevensaun violénsia bazeia ba jéneru liuhusi serbisu hamutuk ho VPU-PNTL. Asina akordu serbisu hamutuk ne'e, akompana husi Ambasadór Uniaun Europeia ba Timor Leste, Sr. Andrew Jacobs.

III. Konkluzau

Maski ita sei kontinua kumpri politika Estadu nian ba iha Serka Sanitária (SS) hodi fó limitasaun ba movimentu sira maibé JSMP nafatin halo nia knaar importante sira hanesan hanesan enkontru, partisipa iha audénsia ho komisaun A Parlamentu Nasionál hodi apresenta JSMP nia hanoin relasiona ho esbosu Lei Organizasaun Judisiária, no publika informasaun sira husi rezultadu observasaun.

Alende ne'e, iha períodu ne'e mós JSMP halo atividade adisionál balun maka hanesan fahe sasan ba vítima fetu no labarik sira iha fatin refuziadu sira, asina MoU ho jornal Independente no asina akordu serbisu hamutuk ho UNDP liuhusi projetu Inisiativa Spotlight ho finansiametu husi União Europeia ba iha programa prevensaun violénsia bazeia ba jéneru liuhusi mídia (programa televizaun) no assisténsia legál ba vítima violénsia hasoru fetu no labarik.

Atu hatene informasaun liutan bele kontaktu :

Ana Paula Marçal
Diretora Ezekutiva JSMP
Email: ana@jsmp.tl
Website: <https://jsmp.tl/>